

Awang deka nyukung sekula China taja iya bansa Melayu

KUCHING: Alumni Chung Hua Middle School (CHMS) No.1 Awang Aizzuddin Sulong Sabli, 27, deka terus nyukung sekula china taja pan iya bansa Melayu.

Iya madah, bisi sekeda apai indai orang ke ukai bansa China bisi besangka ba sekeda pekara bekaul enggau sekula China tang nya endang udah disadang.

“Endang baka ulah kitai mensia bisi penangi ba sekeda utai ke bedau diteresa. Ba aku lepas belajar di sekula China begulai enggau nemiak bansa China, penangi nya lebang. Lalu lebu kitai belajar bekaul main asal, kitai deka bebasaka main asal bansa bukai.

“Pengelui belajar ba sekula

China iya nya, aku ngetanka main asal aku empu seraya belajar main asa bansa bukai,” ku iya ngerandau The Borneo Post ba sebengkah pengerami Makai Lemai CHMS Grand Reunion apin lama ke udah.

Awang graduate dalam taun 2004 madahka diri enda nesal sama sekali belajar ba sekula China lalu nyema iya bisi anak jemah iya deka nganjung sida nya ngagai sekula China.

“Tang ukai nya senang deka tama ngagai CHMS No 1. Pemutus peresa aku nya manah lalu pia mega ari sukung bala pengajar ke ngajar aku dalam sekula primari,” ku Awang Aizzuddin.

Seiku anak Melayu dekaka utai ke nyelai lebu iya

ngaga pemutus. Iya keterubah belajar ba sekula Anak Mit China sebedau ngindik kaki ngagai CHMS No 4 nya belajar dalam sekula primari. Uдах nya iya ngambi pemutus belajar nyambung pelajar ba CHMS No 1 ungkup pelajar sekondari.

“Betaun-taun aku belajar ba sekula China. Aku begulai enggau nemiak sama kelas enggau bakih orang bansa China. Aku enda nyepi diri lain asai tauka dichiping sida. Aku rindu amat begulai enggau sida,” ku Awang Aizzuddin.


Iya agi ingat bisi sekali dalam Junior Satu. Bisi seiku pengajar nanya sekaligus semua orang dalam kelas nya

bansa China, semua orang nyebut ‘au’. Uдах lepas beberapa minit baru bisi sekeda nya sedarka aku.

“Aku diterima sebagai ari sida. Belajar ba sekula China nya sebengkah pekara ke muka runding aku,” ku iya.

Seiku pemesai IT ba Universiti Malaysia Sarawak madahka pengelama 12 taun belajar dalam sekula China ngasuh iya ukai semina udah sebulu enggau main asal China tang mega jaku sida, enda ngira nya macha tauka bejaku.

“Maya ke diatu mayuh teknologi IT datai ari menua China. Aku nadai penanggul nguna teknologi nya,” ku Awang Aizzuddin.



BEKUNSI PENELEBA: Awang Aizzuddin (kanan) bekunsi peneleba iya lebu dikangau niki ke panggau ba pengerami Makai Lemai CHMS Grand Reunion kena lemai hari Enam tu tadi.